



RHYGWÄGGI JUNGI GARDE

FASNACHT 2026

**Sujet:**

**„Nid ächt,  
aber rächt schlächt:  
Fake News“**

Achtung:

Lis dä Zeedel, bevor en s Fasnachts-Comité verbietet!

D Ana-Iva huscht luftig dur s Lääbe  
S Händy vorem Gsicht zaigt d Richtig  
Sy folgt däm Händy treu ergääbe  
,Folge statt Dängge‘ – dasch ihre wichtig  
So isch d Erlyychtig über sy koo  
Sy kennt im Netz jetz alli Quelle  
Wo sälbschtloosi Mensche – aifach esoo  
Und numme für sii – ihri Ghaimnis verzelle

Sii isch jetz die einzig wo weiss:  
Der Elvis läbt! Wie me rych wird im Traum,  
Popcorn macht me nid uss Mais  
Das wachst nämlich am Popcornbaum.  
Sy kennt der Ghaim-Trick für Säggser in Mathe,  
E volli Frisur, e flache Buuch,  
Wie me ganz schnäll bruun wird im Schatte  
Und s nie e Gnusch git im Garteschluuch  
Plattfiess kemme vo z luter Musig,  
Der Pabscht isch in Wirggligkait gschiide  
Und sy weiss au (dasch bsunders gruusig)  
,Trump‘ stoht für Demokratie und Friide  
Sy verkehrt in däm erläsene Kraiss,  
Wo numme die beschte Zuetritt griege,  
Wo me sogar s Ghaimnis weiss,  
Wie me-n-ohni Flügel ka fliege

X und Facebook mache sy gschyder  
und anderi geniali Wärgg  
Vo unsere grossartige Menschhaits-Lyyder:  
Bezos, Musk und Zugerbärg  
Unseri giebte, verehrte Tech-Milliardär  
Unmöglich, au numme dra z dängge  
Wo ächt d Menschheit ohni si wär!  
Gärn dien mer iine d Stüüre schängge.  
Sy fighte für Freihait und weniger Staat  
Sälbschtloos, nur in unsrem Int‘trässe!  
Wenns andersch wär hätte mer der Salat  
D Zuekunft kenntsch denn glatt vergässe!

Au d Ana-Iva will e Byydraag laische  
Wo sii im Netz unstärblich macht  
Sy weiss jo – andersch als die maischte...  
Wie me ohni Flügel fliegt...  
...bis es gracht.

Dää Zeedel do loose statt lääse:



D’Rhygwäggi - e Clique für Di - „Mee als drei Daag“  
Komme vorbei und besuche uns:

**Samstag, 28.02.2026 von 10:00h bis 14:00h**

- Gartenstadt COOP, Münchenstein
- Migros Paradies, Allschwil
- Dorfzentrum Schmiedgasse, Riehen
- Cliquenkeller Rhygwäggi, St.Johanns-Rheinweg 51, Basel

Infostand und Schnupperevent zur Basler Fasnacht mit  
der Möglichkeit zum Trommeln und Pfeifen; für Kinder ab  
Primarschulalter, Jugendliche und Erwachsene.

**Samstag, 07.03.2026 von 10:00h bis 14:00h**

- Cliquenkeller Rhygwäggi, St.Johanns-Rheinweg 51, Basel

Mit einem Fasnachts-Pass kannst du das Trommeln und  
Pfeifen ausprobieren, Laternen bemalen und die Fasnacht  
im Allgemeinen kennen lernen; für Kinder ab  
Primarschulalter, Jugendliche und Erwachsene.

**Wir freuen uns auf dein Kommen!**